

PRIJEDLOG

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na __. sjednici Predstavničkog doma, održanoj __. __. 2016. godine i na __. sjednici Doma naroda, održanoj __. __. 2016. godine, usvojila je

ZAKON O IZMJENAMA I DOPUNAMA ZAKONA O JAVNOM RADIO- TELEVIZIJSKOM SISTEMU BOSNE I HERCEGOVINE

Član 1.

U Zakonu o Javnom radiotelevizijskom sistemu Bosne i Hercegovine („Službeni glasnik BiH“, br. 78/05, 35/09, 32/10 i 51/15) u članu 2. iza definicije: „dozvola Sistema“, dodaju se nove definicije koje glase:

„Entiteti su Republika Srpska i Federacija Bosne i Hercegovine;

Operateri telekoma označavaju javna ili privatna tijela, kao i podružnice pod njihovom kontrolom kojima je dodijeljena dozvola za uspostavu javne telekomunikacijske mreže, odnosno pružanja telekomunikacijskih usluga;

Kablovski operateri su distributeri audiovizuelnih medijskih usluga i medijskih usluga radija.“.

Član 2.

U naslovu člana 14. iza riječi: „Finansiranje“, dodaje se riječ: „Korporacije“.

Član 3.

Iza člana 16. dodaje se novi član 16a. koji glasi:

„Član 16a.

(Finansiranje Javnih RTV servisa)

(1) Javni RTV servisi na teritoriji Bosne i Hercegovine će se primarno finansirati prihodima od RTV taksi ili sredstvima koje prikupe Fondovi Javnih RTV servisa (u daljem tekstu: „Fondovi“).

(2) Fondove mogu osnovati Entiteti odnosno Brčko Distrikt BiH, u skladu sa svojim nadležnostima.

(3) Osnivač Fonda će osigurati finansiranje Javnih RTV servisa sredstvima potrebnim za stabilno funkcioniranje, bez uticaja na samostalnost, uređivačku nezavisnost i institucionalnu autonomiju Javnih RTV servisa.“.

Član 4.

U članu 17. stav 1., iza riječi: „zakonom“, umjesto tačke stavlja se zarez i dodaju riječi: „osim na teritoriji Entiteta, odnosno Brčko Distrikta BiH, na kojoj se sredstva za finansiranje Javnih RTV servisa prikupljaju putem Fondova“.

Član 5.

U članu 18. stav 3. iza riječi: „preduzeća“, stavlja se zarez i dodaju riječi: „privredna društva.“.

Član 6.

Član 23. mijenja se i glasi:

„Član 23.

(Raspodjela sredstava)

- (1) Prihodi od RTV takse i sredstva prikupljena od Fondova (u daljem tekstu: „prihodi“) uplaćuju se direktno na jedinstveni račun.
- (2) Prihodi se odmah raspodjeljuju RTFBiH, RTRS i BHRT prema omjeru 25% : 25% : 50%.
- (3) Članovi Odbora Sistema su odgovorni za uspostavljanje, praćenje i kontrolu jedinstvenog računa, te raspodjelu sredstava u skladu sa ovim zakonom.
- (4) Neto prihod od marketinškog oglašavanja u cjelosti pripada Javnom RTV servisu koji ga je ostvario.
- (5) Organizacije koje naplaćuju prihode dužne su naplaćeni iznos uplatiti bez odlaganja na jedinstveni račun.“.

Član 7.

U članu 24. stav (1), riječi: „RTV takse“, mijenjaju se rječju: „prihoda“.

U stavu (2) riječi: „RTV takse“, mijenjaju se rječju: „prihoda“.

Član 8.

U članu 42. stavovi (4) i (5) mijenjaju se i glase:

„(4) RTV taksu naplaćuju operateri telekoma i kablovski operateri sve do početka rada Fondova ili do zaključenja ugovora sa pravnim licima iz člana 18. stav (3) ovog zakona. Javni RTV servisi dužni su obavijestiti operatere o nastupanju činjenica iz ovog stava.

(5) Operateri telekoma i kablovski operateri, pri prikupljanju RTV takse, uložiti će iste napore kao pri naplaćivanju vlastitih potraživanja.

Član 9.

Ovaj zakon stupa na snagu osmog dana od dana objavljivanja u „Službenom glasniku BiH“, a bit će objavljen i u službenim glasilima Eniteta i Brčko Distrikta Bosne i Hercegovine.

Predsjedavajući
Predstavničkog doma

Predsjedavajući
Doma naroda